

增修萬縣志卷三十二

士女志

義行

郡志急公尚義紳民志藁易名曰任郵而附於食貨
蠲政後纂錄不均存沒爲一節之善實事可徵也今
仍從郡志例目曰義行附士女志中以旌善人

國朝

杜之樞 郡志之樞邑附貢生字維師性敦慤好施
與乾隆戊戌己亥歲不登斗米錢二千之樞於德堡

萬縣志

卷三十二

士女志

義行

一

火神廟施粥數月亦活頗多

杜樸 郡志樸萬邑處士字天民性公直好施與歲
荒施粥道路掩骼埋胔不計其數邑人咸稱好義厥
後子孫以詩禮發家人以爲好義之報

劉萬良劉萬福

郡志萬良萬福胞兄弟也任奉節

劉家山萬邑清水塘乾隆三十六年修石大路自雲
陽岐陽關中過萬邑清水塘至奉節大壩口共六十
餘里捐銀一千四百兩萬良萬福物故良妻莫氏福
妻黃氏命子富文富陞富貴生員廷貞於嘉慶二十

四年二月修石大路自雲陽瀆沙坡經萬邑天池坡至奉節漆水槽計八十餘里共用銀二千餘兩萬縣知縣仇如玉給額樂善不倦又捐設豫興義學知府恩成給額教先鄉塾

向天序 郡志天序萬縣人爲人慷慨端方嘉慶九年見江水泛漲浮屍漂流爰捐資買燕子窩山地二畝埋瘞每雇人撈浮屍約計每歲撈獲八九十人不等力行不懈

王德慧 郡志德慧萬縣人廩生王子珍祖父任邑

萬縣志

卷三

士女志

義行

二

西指橫溪右達開縣左達梁山雨後溪水暴漲急流艱涉行人苦之德慧於嘉慶十九年捐修石橋費千金橋成亦不鐫石表名人以爲隱德云

嚴聖曾 郡志聖曾萬縣監生素性孝友好善樂施兼明大義乾隆戊戌己亥連年饑饉買米四百餘石賑濟饑民後每遇饑荒施濟嘉慶二三年教匪猖獗募集義勇二百餘名於黃柏溪設卡堵禦三百餘名於分水嶺碑牌黃杆石設卡以防賊首林之華南竄匪不敢入計二載共用數千金邑令王世燾贈以辟

秦譽髦匾額至其排難解紛施醫藥設義館教族子弟買義田贍族造渡船橋梁善事未可枚舉子性懷性悌俱廩生性悞監生克守父訓

邱宗昌 郡志萬邑人年八十三歲秉性正直素行仁厚居苾溪土橋乾隆戊戌年遭回祿周圍盡焚獨宗昌茅屋數間獲免邑令往勘異之問其素行對云平生無好處惟鄭重五穀耳嘉慶己未庚申間教匪擾縣焚掠四起宗昌居屋仍無恙其人殆有陰德不自表暴鄭重五穀特一端耳

萬縣志

卷三

士女志

義行

三

藍琫 郡志琫萬縣監生爲人公正取與不苟尤慷慨有志畧嘉慶二三年間賊匪猖獗城外民居燒燬殆盡邑令陳文鴻王世燾先後延琫監築礮臺賊至晝夜巡城不懈其他賑窮恤貧解紛息爭及監修

文廟養濟院諸工程尤盡心力樂善不倦人咸重之
易成富 郡志成富萬縣監生明理端品誠篤不欺嘉慶二三年間賊匪竄擾成富偕紳耆於苾溪岸修土城六百八十餘丈捐銀一千八百餘兩功始告竣
卽率領鄉勇堵禦邑人德之 今土城也

郝二相 郡志二相三世節孝壽八十餘歲樂善好
施念長江溺死多作餓鬼山間荒塚不乏孤魂命子
捐銀三百餘兩存城隍廟買田收租每年中元賑濟
賀盛文 邑監生夔郡舊無考擢官紳屢議合六屬
力共建而不行盛文慨然獨任命子代元留夔城監
修經始道光二十七年迨二十九年將落成而盛文
物故至三十年春告竣計號舍二十九間坐號千七
百有奇自轅門甬壁旗杆樂樓頭儀門抱廳大堂二
堂衡文堂計九層及左右俱役房共百有五間圍墻
萬縣志 卷三 上 女志 義行 四
百餘丈院右建提調公館內堂大堂頭門計三層一
有五間統計捐錢二萬一千八百餘緡咸豐三年議
敘賀代元鹽運使司運同銜盛文於道光二十六七
年城外火災周卹貧戶錢數百千咸豐二年邑設賓
興會代元弟兄捐銀一千二百兩粵匪之役捐輸軍
餉銀一千二百兩萬縣籌防捐錢五百千倡爲全貞
會捐錢千緡均爲人所難云

劉光廷 字丹山邑貢生輕財好義市郭里二道河
至馬壩塘乃利萬往來道爲險所阻光廷於道光庚

寅年捐銀千二百餘兩鑿穿高穴子石岩長百六十餘丈砌成大路修平湮騫子岩黃杆石岩共四十餘里連建平橋三座越三年工竣行旅歌誦弗輟邑矜耆爲請獎敘不受乃刊萬功岩三字於石壁以誌不忘光廷歿其妻嚴氏亦好善凡橋路壞卽命子增生德元等補修

魏元彬 字君儒性醇謹勤儉捐田數十畝爲祠田以敬宗睦族嘉慶二年教匪竄小江元彬捐米三十石集團勇於九堆飛攬堵禦南岸獲安子士良舉孝

萬縣志

卷三

士女志 義行

五

義執中 恩貢生

易光晨 字曉亭邑廩貢歷署金堂廣元酉陽訓導性質樸端方尤多義舉邑虬溪講易臺年久荒蕪光晨慨然倡建來公祠兼作義館刊來氏大學古本時集少長講明六行子瀚孝廉灌縣教諭濂湖北候補從九孫斌庠生

牟登順 幼失怙恃爲人牧牛忠而勤及壯傭工銖積百餘金罄貲以建宗祠孝義魏士良爲修譜焉順佃耕苦作至六旬後積貲四百餘金卽以三百五十

金買田交樂善堂備凶年平糶富人愧之

杜濟

邑監生字吉人性端方戇直少孤事母謹篤

友愛撫姪猶子重然諾視公事如家事邑文昌廟

頽敗捐募重修並及東關外道邑人以祥公正諳練

任勞怨凡大興作必請督工火神廟北山觀皆年

餘始成族姪鍾嶠捐建考棚尤鉅祥慨然獨任朝出

暮歸者凡三年而不倦邑宰仇如玉建書院養濟院

公樂堂祥偕紳耆四鄉募捐始克歲事邑言急公竭

力必首推焉嘗以柏林壩田租二十石施入安懷所

萬縣志

卷三

士女志

義行

六

子協增生惠霖庠生姪恂愉懌俱廩生忻庠生

陳維祺邑貢生異母弟負貸千金祺代償之析產

復合聞者感愧倡捐重貲修譜建宗祠餘金數百歲

取以贍族人性憐貧每歲杪施米前邑宰興善獎以

好善樂施匾額子新輝庠生

程善寶性忠厚勇於爲善建宗祠設義渡施義塚

捐修太平橋創修開邑大壩口石路逾年始成修王

家橋至沱口石路二十餘里改修四層岩石路縣馬

頭石梯數百丈助修灤渡張家萬平三橋補修司馬

橋監修城垣廟祠素有足疾凡橋路大工恆奔走不
倦人以爲難由縣申詳給八品頂戴

曹芳蘭 道光六七年捐修新萬交界葛麻梁黑溝
槽陡梯子石路五十里蝦蟆石余家坡石路四十里
計錢三千六百餘串由縣申詳給九品頂戴子職員
元登捐修斷石橋寨梁石路後復捐重貲倡募改修
分水黑洞溝路募錢萬有六千緡危崖峭壁竟成坦
道修路近五十年身親險阻無冬無夏行人咸利賴
焉登子宏田常製藥救人爲大周里團總認真辦三

萬縣志

卷三

士女志

義行

七

成丁穀釐親歷百有餘寨積勞感寒以卒官紳莫不
惜之

李習易 萬開之交有溪河數十里無舟楫易首捐
重貲倡設義渡三津往來稱便喜修路善相地勢開
闢險阻其修麻梯及新甯大埡口尤利行人家數千
金平生施濟幾耗其半

王天星 幼孤與母相失及長以醫術遊四方尋母
得於湖北巴東縣已適李天相家六年之中不遠千
里連往省母十次天相亡乃迎母歸養業師貧無子

生養而死殯之

譚爲榮 少貧苦及長經營成家輕財重義周急濟困老而不倦捐募修建街樓官路及司馬橋行者便之前郡守瑪給予爲善最樂匾額以示優獎子長志監生

劉振仁 素好義其堂姪早失怙恃撫之成立無異親生恆解紛排難矜恤孤貧修補橋路施藥餌棺木十數年不倦子家謨廩生工詩文書法同治元年兩藍逆先後犯境萬縣戒嚴家謨總司城防局勤勞特甚及事平官爲請優獎辭不受

萬縣志

卷三

士女志

義行

八

姚安國 性正直道光己丑歲西路溪水暴發津梁道路盡失安國倡捐監造歷風霜不懈及告竣勒石不自鐫名大府旌以津梁利賴匾額安國未嘗建立子均照廩生

鍾德林 邑職員道光九年夏霖雨溪水暴溢壞城西馬崙岩大道德林貿易家資僅數百金罄所有鳩工修治砌石高數仞長九十餘丈

趙世德 積學不偶常欲子孫皆讀書人嘉慶二十

四年以黃草坡山地捐入學署充公用僅留薄田數畝夫婦壽俱耄耄子孫耕讀同治四年孫吉雲暨其子尙輔父子同入邑庠一時傳爲美報云
張文聯 少孤事母得其歡心家不甚豐而鄉鄰有婚娶喪葬無力者皆極力攸助貧乏災患必量爲周卹嘗施葬地數百塚

李龍深 兄弟三初析居俱赤貧龍深後積五千餘金三分產業以二分授其諸姪子孫不欲龍深曰兄弟之子猶子也卒行之道光十三年穀昂貴有穀三

萬縣志

卷三十三

上女志

義行

十石減價以糶凡遇爭訟捐錢勸息

譚維相 字朝柱友愛兄弟仗義輕財嘉慶間歲旱常出錢米周親族凡值米價昂減價以糶暮年倡建

宗祠序族譜教匪之亂捍重賞募勇堵禦

黃世乾 素仗義嘉慶間歲飢斗米錢千六百近鄰多貧家饗殮莫給世乾欲賑之而力不足乃典田富室得錢百餘緡計口分給

左德芳 邑庠生道光庚寅年捐修天順橋常刻印善書倡爲講和會凡濟人利物事見無不爲子洪福

亦好善樂施約族人宣講力行二十餘年不懈
何世泰 邑武生兄弟析居獨養親終老暮年三兄
困乏衣食喪葬皆泰任之捐重貲倡修沙壩風山嶺
橋路睦宗族周困乏和爭訟里黨重之子登高貢生
孫永馨廩生承卓同治甲子科登賢書

陳盛思 字廷揚州同銜嘉慶初年教匪猖獗盛思
練團堵禦賊不敢犯於是命子孫無廢團練積久婦
孺亦能用火器故陳氏團練爲一縣冠其團丁多爲
各甲教練師盛思嘗建宗祠修家乘施白羊坪義塚

萬縣志

卷三

上女志

義行

十

數畝善排難解紛子孫遊武庠者十餘人子第掄以
防堵功保儘先千總第扶六品頂戴孫定中同治甲
子科武舉人

魏士謙 字受益邑監生篤友愛尙節儉道光十年
捐湖口山千金產業入樂善堂助宣講之費復與兄
士良捐新甯陡梯田業爲是處講約貲凡濟人利物
不惜解囊

張應葵李萬成 佃田爲業而性喜利物市郭里瀝
溪舊有渡船夏秋水漲一日僅數渡途遠者苦日暮

無歸咸豐元年二人捐錢千餘緡買馬頭造船僱夫買河地及墾田歲收租穀作義渡費嘗同捐買義塚歲施木匣捐修八老坪石路八百九十餘丈鄉人咸稱之

劉培宗 廩生劉履泰之子兄弟析居後獨奉養孀母貧兒負殯葬兩姪兄妻亡夫婦撫幼姪如子並迎養兄終老咸豐四年負累賣業餘錢七百千令姪與子均分之嘗倡修永甯橋培修道路

姚芹芳 庠生與周曰庠友善周生故貧士鄉試無

萬縣志

卷三

上女志 義行

七

以自費芹芳嘗與妻奩物助之道光庚子鄉試周生至省寓被盜感寒不起湯藥溲便皆芳躬司之及沒簡州優貢萬理融爲醪金棺歛錦江院山長李惺爲作啟募金芳護櫬歸復爲課息周妻陳氏得以全節養親皆芳力也芳秉性剛鯁教人尙行誼工詩有紅藕花軒稿藏於家

賴劍亭 生平與人無忤凡族中有孤老無依者養之貧不能嫁娶殯葬者贊助之後置義田於萬戶城以襄義舉

趙文翰 性明敏而忠厚有房族凋零僅遺一孫八歲流落開縣文翰收養之與以地爲之婚配里中能卒歲者輒濟以錢米倡修凌雲寨凡鼠牙雀角一言排解無不帖服

王暉 生平尊禮師儒兄弟析居見兩弟幼與合巹爲課讀婚配之好施予重貞婦其從寡嫂迎養十有四年弟婦與長女皆青年守志依以全節族弟婦孀居按月助以錢米周恤戚族有貸其錢而無力償者輒焚其券

萬縣志

卷三

士女志

義行

十三

劉學禮 監生始殷富戚友稱貸計二千餘金未嘗追索每誡其子曰人貸我金非不欲償負義爽約皆不得已索無益也且我幸溫飽多積何爲歲暮乞升斗日踵門無空返者以是無餘財喜讀書將六旬猶從師焉

王錦明 姪道南先已異居及父母卒明與合巹教讀而婚配之原籍湖南衡山獨往修譜二次喜刷善書修橋路鄉里有善人之目

羅安昌 粗曉文義喜讀朱子小學遇族人即舉以

規勸族數十家遵約束倡立宗祠修族譜從祖兄羅安文安瑄早歿昌勸嫂守志撫其子成人歲荒爲貧戶貸於富家極貧者則代償無悔

張杰 邑庠生生平言笑不苟篤友愛撫姪兩世孤教養備至性嚴而和凡遊其門而蜚聲黌宮數十人熊一勲 性友愛方十餘歲兄一聰負債千餘金父命勲析居勲不忍後債益多父命益力乃分析獨任養親盡償兄債兄歿身後事皆勲任猶子女數人教養婚配皆賴之

萬縣志

卷三

士女志

義行

三

楊泰義 好濟人利物精醫術日爲人療疾富者不受謝貧者予藥費孳孳不倦

魏執中 恩貢生篤友愛睦宗族性坦直樂易喜濟人利物倡修雷佛橋費多工鉅必成乃已其爲善不畏難類如此兄士良建樂善堂宣講旣歿執中引爲已任鄉鄰多感化者防堵粵滇逆總辦市四甲團練輪流訓飭雖年逾七旬不異少壯

曹芳遠 恩貢生輕財好義寒士從遊者輒給薪米多所成就歷年學費半以贖鄉里貧乏居新余兩市

問鄉人質訟輒解不聽則捐貲調停必息而後已後
署資州學正子元體孫純嘏俱庠生

萬縣志

卷三

士女志

義行

十四